

**TEKSTUALNI DIO GODIŠNJEG IZVJEŠTAJA O IZVRŠENJU  
BUDŽETA USTAVNOG SUDA BOSNE I HERCEGOVINE  
ZA PERIOD OD 1. JANUARA DO 31. DECEMBRA 2023. GODINE**

**Analiza izvršenja budžeta**

Prijedlog budžeta Ustavnog suda Bosne i Hercegovine (u daljnjem tekstu: Ustavni sud) za 2023. godinu iznosio je **9.117.000 KM** na bazi **106** izvršilaca. Zakon o budžetu institucija Bosne i Hercegovine i međunarodnih obaveza Bosne i Hercegovine (u daljnjem tekstu: Zakon o budžetu) za 2023. godinu usvojen je 30. marta 2023. godine i Ustavnom sudu su odobrena sredstva u iznosu od **8.500.000 KM** na bazi **98** izvršilaca.

Odobrena budžetska sredstva za 2023. godinu odnose se na:

-	<b>Tekuće izdatke</b>	<b>8.240.000 KM</b>
-	<b>Kapitalne izdatke</b>	<b>250.000 KM</b>
-	<b>Kapitalne izdatke (prihod od prodaje motornog vozila)</b>	<b>10.000 KM</b>

S obzirom na to da je Zakon o budžetu za 2023. godinu usvojen tek 30. marta 2023. godine, Ustavni sud je u prvom kvartalu 2023. godine poslovaio u skladu s Instrukcijom Ministarstva finansija i trezora BiH (u daljnjem tekstu: MFT) o privremenom finansiranju institucija BiH broj 05-16-2-8338-2/22 od 28. decembra 2022. godine i Operativnim planom Ustavnog suda za period od januara do marta 2023. godine, u okviru odobrenih sredstava u iznosu od **1.733.000 KM**, što predstavlja jednu četvrtinu (1/4) ukupnih sredstava koja su odobrena Ustavnom sudu BiH Zakonom o budžetu za 2022. godinu.

U takvim uvjetima rada, a s ciljem osiguranja neometanog i efikasnog funkcioniranja Ustavnog suda, pristupalo se restriktivnom planiranju i trošenju raspoloživih sredstava, polazeći od prioritetnih obaveza koje proizlaze iz Plana rada Ustavnog suda za 2023. godinu i Srednjoročnog plana rada Ustavnog suda za period od 2023. do 2025. godine.

U septembru 2023. godine realizirana je prodaja službenog motornog vozila i ostvaren je prihod u ukupnom iznosu od **25.601 KM**, što je za 15.601 KM više od iznosa planiranog primitka. U skladu sa članom 8. stav (2) Zakona o budžetu za 2023. godinu, ostvareni primitak stavljen je na raspolaganje Ustavnom sudu BiH za nabavku novog motornog vozila do ukupnog

ostvarenog iznosa od 25.601 KM, tako da su ukupna korigirana sredstva kojima je Ustavni sud raspolagao u 2023. godini iznosila **8.515.601 KM**, kako slijedi:

- <b>Tekući izdaci</b>	<b>8.240.000 KM</b>
- <b>Kapitalni izdaci</b>	<b>275.601 KM</b>

U toku 2023. godine Ustavni sud BiH je uputio jedan zahtjev MFT-u za prestrukturiranje rashoda budžeta, koji je MFT odobrio Odlukom broj 05-16-2-7369-2/23 od 23. oktobra 2023. godine. Prestrukturiranjem su određene uštede u iznosu od **209.000 KM**, ostvarene u okviru Tekućih izdataka (6111 Bruto plaće i naknade – 154.000 KM, Izdaci telefonskih poštanskih usluga – 40.000 KM i Izdaci za usluge prevoza i gorivo – 15.000 KM), preusmjerene na druge stavke u okviru Tekućih izdataka (6131 Putni troškovi + 25.000 KM, 6137 Izdaci za tekuće održavanje + 15.000 KM i Ugovorene i druge posebne usluge + 15.000 KM), a dio i na Kapitalne izdatke (Nabavka opreme + 35.000 KM, Softveri + 25.000 KM i Rekonstrukcija zgrada + 94.0000 KM). U okviru Tekućih izdataka uštede su preusmjerene s ciljem realizacije putnih troškova u vezi s edukacijom zaposlenih u Mostaru u decembru 2023. godine, za restauraciju dotrajalih vrata i sanaciju podova, kao i za osiguranje sredstava za redovne troškove reprezentacije. U okviru kapitalnih izdataka uštede su preusmjerene s ciljem osiguranja sredstava za zamjenu dotrajalih staza/tepiha u hodniku Suda, za nabavku softvera za prevođenje, te za rekonstrukciju dotrajalih mokrih čvorova u prostorijama Ustavnog suda.

Također, namjenska struktura kapitalnih izdataka za 2023. godinu, na koju je data saglasnost po usvajanju Zakona o budžetu za 2023. godinu, korigirana je četiri puta, odnosno traženo je i dobiveno odobrenje za namjensku strukturu kapitalnih izdataka u augustu, septembru, oktobru i novembru 2023. godine.

Nakon provedenih promjena ukupna korigirana sredstva iznosila su **8.515.601 KM**, i to:

- <b>Tekući izdaci</b>	<b>8.086.000 KM</b>
- <b>Kapitalni izdaci</b>	<b>429.601 KM</b>

Izvršenje budžeta u 2023. godini ostvareno je u iznosu od **8.147.777 KM**, odnosno **96%** od ukupnih korigiranih budžetskih sredstava za **2023. godinu**. Tekući izdaci realizirani su u iznosu od **7.756.198 KM**, odnosno **96%** u odnosu na korigirana budžetska sredstva, dok su kapitalni izdaci realizirani u iznosu od **391.579 KM**, što predstavlja **91%** korigiranih budžetskih sredstava za tu namjenu.

## **Tekući izdaci**

1. **Bruto plaće i naknade iznose 6.616.373 KM** i ostvarene su **98%** u odnosu na korigirana budžetska sredstva. Ukupan broj zaposlenih (stanje sa 31. decembrom 2023. godine) iznosio je **96** izvršilaca.

Dva radna mjesta sudije koja su ostala nepopunjena u 2022. godini uslijed odlaska predsjednika Suda u starosnu penziju u augustu 2022. godine, kao i potpredsjednika u novembru 2022. godine, nisu popunjena ni u 2023. godini. Također, višemjesečno odsustvo s posla nekoliko zaposlenih zbog privremene nesposobnosti za rad (bolovanja) utjecalo je na niži indeks izvršenja na ovoj budžetskoj stavci u odnosu na korigirana sredstva.

Od 1. januara 2023. godine u primjeni je **član 4.** Odluke o plaćama i naknadama sudija Ustavnog suda BiH broj SU-03-413/22 od 11. maja 2022. godine s izmjenom broj SU-03-413-1/22 od 10. augusta 2022. godine i **član 5.** Odluke o plaćama i naknadama zaposlenih u Sekretarijatu Ustavnog suda BiH broj SU-03-591/22 od 22. juna 2022. godine s izmjenom broj SU-03-591-1/22 od 10. augusta 2022. godine, što je utjecalo na veći indeks izvršenja na ovoj budžetskoj stavci u odnosu na izvršenje za 2022. godinu.

2. **Naknade troškova zaposlenih iznose 586.167 KM** i ostvarene su **82%** u odnosu na odobrena budžetska sredstva. Pored redovnih izdataka za naknade troškova zaposlenih koje se odnose na troškove toplog obroka tokom rada, prevoza do posla, smještaja i odvojenog života, isplaćene su dvije (2) otpremnine zbog odlaska u penziju dvoje (2) zaposlenih u februaru 2023. godine u skladu s aktima Suda, dvije (2) jednokratne pomoći po osnovu smrti bliskog srodnika zaposlenih u maju i novembru 2023. godine, te dvije (2) jednokratne pomoći po osnovu teške bolesti bliskog srodnika zaposlenog u julu 2023. godine. U skladu s aktima Suda isplaćen je regres za godišnji odmor, i to za dvoje (2) zaposlenih koji su otišli u penziju u februaru 2023. godine, ostalim zaposlenima u junu 2023. godine, te za troje (3) novozaposlenih u decembru 2023. godine, kad su stekli pravo na isplatu regresa u skladu s aktima Suda.

U toku 2023. godine isplaćen je manji broj jednokratnih pomoći zaposlenima nego što je bilo planirano. Nadalje, samo jedan sudija Ustavnog suda koristio je pravo na naknadu troškova prevoza iz Sarajeva do mjesta stalnog prebivališta i nazad u skladu s aktima Suda, a ostvareni su i niži troškovi naknade za smještaj i odvojenog života. Također, isplaćen je i niži iznos naknade za ishranu tokom rada u odnosu na planirani uslijed višemjesečnog odsustva s posla nekoliko zaposlenih zbog privremene nesposobnosti za rad (bolovanja).

Sve navedeno je rezultiralo nižim indeksom izvršenja na ovoj ekonomskoj kategoriji u odnosu na odobrena budžetska sredstva.

Primjenom Odluke o plaćama i naknadama sudija Ustavnog suda BiH broj SU-03-413/22 od 11. maja 2022. godine s izmjenom broj SU-03-413-1/22 od 10. augusta 2022. godine i Odluke o plaćama i naknadama zaposlenih u Sekretarijatu Ustavnog suda BiH broj SU-03-591/22 od 22. juna 2022. godine s izmjenom broj SU-03-591-1/22 od 10. augusta 2022. godine isplaćen je veći iznos na ime regresa nego u prethodnoj godini. To je ujedno i razlog većeg indeksa izvršenja na ovoj budžetskoj stavci u odnosu na isti period 2022. godine.

- 3. Putni troškovi iznose 90.129 KM** i ostvareni su **78%** u odnosu na korigirana budžetska sredstva, a u skladu s Planom putovanja za 2023. godinu. Izvršenje se odnosi na izdatke za osiguranje prisustva međunarodnih sudija na plenarnim sjednicama Ustavnog suda u januaru, martu, julu i septembru 2023. godine, tj. na troškove njihovih dnevnica, avionskih karata i smještaja.

U okviru međunarodne saradnje Suda izdaci obuhvaćaju troškove putovanja predsjednice Suda i šefa Kabineta na otvaranje sudske godine (Strasbourg – januar 2023. godine), troškove putovanja predsjednice, potpredsjednikâ i registrara Suda u posjetu Vrhovnom sudu Velike Britanije (London – mart 2023. godine), troškove putovanja generalnog sekretara i šefa Odjeljenja za ustavnosudsku praksu na 20. sastanak Zajedničkog vijeća za ustavno sudstvo Evropske komisije za demokratiju putem prava – Venecijanska komisija (Sofija – april 2023. godine), troškove putovanja predsjednice Suda i šefa Kabineta u radnu posjetu Saveznom ustavnom sudu Njemačke (Berlin – maj 2023. godine), troškove putovanja predsjednice Suda i šefa Kabineta radi učešća na Forumu o rodnoj ravnopravnosti za Zapadni Balkan (Beograd – juni 2023. godine), kao i troškove putovanja šefa Kabineta na Forum – Mreža najviših evropskih sudova (Strasbourg – juni 2023. godine). Izdaci obuhvaćaju i učešće pravnog savjetnika i stručnog saradnika iz Ureda registrara na 11. ljetnoj školi u organizaciji Ustavnog suda Turske (Ankara – septembar 2023. godine), kao i učešće predsjednice Suda i šefa Odjeljenja za ustavnosudsku praksu na konferenciji Ustavnog suda Latvije (Riga – septembar 2023. godine). Također, izdaci obuhvaćaju troškove putovanje predsjednice i potpredsjednika Suda na Regionalnu konferenciju „Zaštita prava na privatnost“ (Budva – oktobar 2023. godine), putovanje predsjednice Suda i šefa Kabineta na seminar – Protokol 16 (Strasbourg – oktobar 2023. godine), putovanje predsjednice, potpredsjednikâ i šefa Kabineta na Forum balkanskih ustavnih sudova (Sofija – oktobar 2023. godine), troškove putovanja potpredsjednika Suda i šefa Odjeljenja za ustavnosudsku praksu na ceremoniju obilježavanja 14. godišnjice Ustavnog suda Republike

Kosovo (Priština – oktobar 2023. godine), troškove putovanja potpredsjednika Suda na međunarodnu konferenciju o ljudskim pravima (Varšava – novembar 2023. godine), troškove putovanje predsjednice Suda i šefa Kabineta na međunarodnu konferenciju povodom obilježavanja 60. godišnjice od osnivanja Ustavnog suda Srbije (Beograd – novembar 2023. godine), kao i putovanje potpredsjednika Suda i višeg pravnog savjetnika na Konferenciju „Sveobuhvatna i efikasna ustavna žalba“ (Skoplje – novembar 2023. godine).

Također, izdaci obuhvaćaju i troškove putovanja člana Evropske komisije za demokratiju putem prava (Venecijanska komisija) u ime Bosne i Hercegovine na sjednicu Komisije u martu, oktobru i novembru 2023. godine.

U okviru ove budžetske stavke obuhvaćeni su i izdaci za putovanja potpredsjednika Suda na redovne mjesečne sastanke Pravosudne komisije Brčko distrikta BiH, kao i izdaci redovnih mjesečnih službenih putovanja sudija od mjesta rada do mjesta stanovanja/prebivališta i nazad, a odnose se na dnevnice vozača službenih vozila.

Izdaci obuhvaćaju i troškove putovanja zaposlenih u Sekretarijatu Ustavnog suda BiH u Mostar (decembar 2023. godine) na edukaciju „Unapređenje interne komunikacije u Ustavnom sudu BiH: Povezanost interne komunikacije s motivacijom i radnim učinkom“, a odnose se na troškove smještaja, prevoza i dnevnica zaposlenih.

Plenarna sjednica Suda planirana za maj 2023. godine je otkazana, dok je sjednica u novembru 2023. godine održana *on-line*, tako da nije bilo troškova dnevnica, smještaja i avionskih karata međunarodnih sudija. Također, u okviru međunarodne saradnje Suda za pojedina putovanja organizator je snosio troškove avionskih karata, smještaja i ishrane, što je rezultiralo nižim indeksom izvršenja u odnosu na korigirana budžetska sredstva za ovu namjenu.

Sva planirana putovanja u okviru međunarodne saradnje Suda u 2023. godini su realizirana, dok je većina putovanja u 2022. godini otkazana zbog pandemije, što je rezultiralo većim indeksom izvršenja na ovoj budžetskoj stavci u odnosu na isti period prethodne godine.

- Izdaci za telefonske i poštanske usluge iznose 41.298 KM** i ostvareni su **83%** u odnosu na korigirana budžetska sredstva, uz maksimalnu racionalizaciju korištenja telefonskih i poštanskih usluga i mjere štednje. Također, uslijed odustanka od štampanja publikacije „Info Ustavnog suda BiH“ izostali su i troškovi njene distribucije, što je znatno utjecalo na visinu izdataka poštanskih usluga.

5. **Troškovi nabavke materijala iznose 28.106 KM** i ostvareni su **94%** od odobrenih budžetskih sredstava. Odnose se na nabavku papira, koverti, omota spisa, tonera, uredskog materijala, sredstava za čišćenje i higijenskog materijala, te stručnih knjiga i literature za potrebe biblioteke Ustavnog suda BiH. Također, realizirana je nabavka zimskih guma za tri službena vozila Suda. U okviru troškova sitnog inventara izdaci se odnose na nabavku potrepština za prostorije u aneksu Suda, nosača za TV i pokretnog stalka za pametnu ploču.
6. **Izdaci za usluge prevoza i goriva iznose 14.395 KM**, što je **41%** od korigiranih budžetskih sredstava. Izdaci se odnose na nabavku goriva i troškove registracije tri službena vozila Ustavnog suda BiH. Smanjena upotreba službenih vozila zbog smanjene potrebe za prevozom sudija od mjesta rada do mjesta stanovanja/prebivališta i nazad (nepopunjavanjem dvije sudijske pozicije), manje korištenje službenih vozila za službena putovanja u 2023. godini (većina putovanja realizirana je korištenjem avionskog prevoza), te prodaja jednog službenog vozila u septembru 2023. godine utjecalo je na manju potrošnju goriva, što je za posljedicu imalo nizak indeks izvršenja na ovoj budžetskoj stavci. Također, tržišne cijene goriva nisu imale veće oscilacije kao što je to bio slučaj u prethodnoj godini.
7. **Izdaci za unajmljivanje imovine i opreme iznose 37.937 KM** i ostvareni su **100%** u odnosu na odobrena budžetska sredstva i u skladu su s dinamikom trošenja. Odnose se na troškove mjesečnog zakupa kompjuterske opreme i telefonske centrale u skladu s potpisanim ugovorima.
8. **Izdaci za tekuće održavanje iznose 41.294 KM** i ostvareni su **88%** od korigiranih budžetskih sredstava. Izdaci se odnose na redovne troškove mjesečnog održavanja lifta, pet redovnih i četiri vanredna servisa službenih vozila i pranje službenih vozila, nabavku baterija, natpisnih pločica, izradu i nabavku oslonaca za bicikle, kao i općinsku dozvolu za njihovo postavljanje. Pored navedenog, izdaci se odnose na restauraciju vrata i sanaciju parketa u prostorijama Suda, izradu kanalice za kablove u salama za sjednice, bravarske radove, kao i na dva vanredna popravka lifta. Također, izvršena je nabavka diskova i ostalog potrošnog materijala za održavanje kompjuterske opreme, saksija/cvijeća i folija za staklo. Provedene e-aukcije u okviru pojedinih procedura javnih nabavki uvjetovale su povoljnije cijene pojedinih usluga, što je rezultiralo i nižim stvarnim troškovima u okviru tekućeg održavanja.
9. **Izdaci za osiguranje i troškovi platnog prometa iznose 7.180 KM** i ostvareni su **72%** od odobrenih budžetskih sredstava. Izdaci se odnose na redovno mjesečno osiguranje imovine, obavezno i kasko-osiguranje tri službena vozila Ustavnog suda i mjesečne bankarske

usluge. Povoljne cijene usluga osiguranja postignute u postupku javne nabavke razlog su nižeg indeksa izvršenja na ovoj budžetskoj stavci.

10. **Ugovorene i druge posebne usluge iznose 293.318 KM** i ostvarene su **98%** od korigiranih budžetskih sredstava. U okviru ove ekonomske kategorije izdaci se odnose, prije svega, na naknade za rad troje međunarodnih sudija Ustavnog suda BiH i primjenu člana 4. Odluke o plaćama i naknadama sudija Ustavnog suda BiH broj SU-03-413/22 od 11. maja 2022. godine s izmjenom broj SU-03-413-1/22 od 10. augusta 2022. godine na naknade za rad od 1. januara 2023. godine.

Također, obuhvaćeni su troškovi štampanja publikacije „Bilten Ustavnog suda BiH“, kao i izdaci za redovne pretplate na neophodne časopise i druge publikacije, stručnu i dnevnu štampu, a sve s ciljem održavanja nužnog i kontinuiranog educiranja i informiranja sudija i zaposlenih. Uključeni su i troškovi izrade akreditacija za učesnike Konferencije „Izvršenje odluka Ustavnog suda BiH“, koja je održana na Jahorini u junu 2023. godine i koju je finansirala Delegacija Evropske unije u BiH. Također, uključeni su i troškovi pretplate na *Zoom* platformu za potrebe održavanja dvije plenarne sjednice Ustavnog suda.

Izdaci obuhvaćaju i troškove usluge prevoza zaposlenih na edukaciju „Utjecaj stresa na motivaciju i radnu učinkovitost“, koja je održana na Jahorini u oktobru 2023. godine, a koju je sufinansirala Fondacija Konrad Adenauer (troškovi predavača i smještaja), kao i troškove po osnovu ugovora o djelu edukatora za provođenje edukacije zaposlenih o temi „Unapređenje interne komunikacije u Ustavnom sudu BiH: Povezanost interne komunikacije s motivacijom i radnim učinkom“, koja je održana u Mostaru u decembru 2023. godine. Također su obuhvaćeni troškovi stručnog usavršavanja iz oblasti upravljanja ljudskim resursima i javnih nabavki.

Ovom budžetskom stavkom obuhvaćeni su troškovi izrade elaborata o stanju i nosivosti konstrukcije prostorija zapadnog aneksa Ustavnog suda BiH. U okviru troškova reprezentacije, pored redovnih izdataka za usluge reprezentacije, izvršena je i nabavka poklonâ povodom odlaska u penziju potpredsjednika i dvoje zaposlenika Suda, kao i nabavka protokolarnih poklona i vrećica s logom Suda.

U okviru stavke ugovorenih i drugih posebnih usluga uključeni su i troškovi oglašavanja, kao i troškovi usluga vještaka s ciljem naplate potraživanja po osnovu refundacije bolovanja.

## Kapitalni izdaci

Zakonom o budžetu za 2023. godinu Ustavnom sudu su odobrena sredstva u iznosu od 260.000 KM na ime kapitalnih izdataka (250.000 KM budžetska sredstva i 10.000 KM prihod od prodaje vozila), te je u skladu s tim u maju 2023. godine odobrena i namjenska struktura izdataka za nabavku stalnih sredstava.

U augustu 2023. godine MFT je dao saglasnost na izmjenu odobrene namjenske strukture kapitalnih izdataka za 2023. godinu s ciljem realizacije nabavke opreme za prenos podataka i glasa koju Sud nije mogao realizirati u okviru odobrenih sredstava za ovu namjenu zbog porasta cijena na tržištu. U septembru 2023. godine Ustavni sud je izvršio prodaju službenog motornog vozila, pri čemu je ostvaren primitak od 25.601 KM, što je za 15.601 KM više od iznosa planiranog primitka u Zakonu o budžetu za 2023. godinu. U oktobru 2023. godine MFT je dao saglasnost na izmjenu namjenske strukture kapitalnih izdataka, pri čemu je iznos primitka od prodaje službenog vozila preusmjeren na nabavku novog službenog vozila, a razlika sredstava iskorištena za nabavku videokonferencijskog sistema nužnog za održavanje kombiniranih sastanaka/sjednica.

Također, u oktobru 2023. godine Ustavni sud je podnio zahtjev za prestrukturiranje rashoda, koji je MFT odobrio odlukom od 23. oktobra 2023. godine. U skladu s tim, Ministarstvo je ponovo dalo saglasnost na izmjenu namjenske strukture kapitalnih izdataka za 2023. godinu, a jedan dio navedenih aktivnosti u vezi s kapitalnim izdacima je realiziran u decembru 2023. godine.

Konačno, 30. novembra 2023. godine data je saglasnost na još jednu izmjenu namjenske strukture kapitalnih izdataka kako bi se uštede ostvarene u okviru nabavke opreme iskoristile za nabavku dodatnog namještaja, kompjuterske i ostale opreme (pametna ploča).

Ukupno izvršenje kapitalnih izdataka za 2023. godinu iznosi **391.579 KM** i predstavlja **91%** korigiranih budžetskih sredstava za ovu namjenu. Ukupan iznos nabavki koje su realizirane u 2023. godini iznosi **236.657 KM**. **Preostali dio nabavki u iznosu od 154.922 KM je knjižen na osnovu zaključenih ugovora s dobavljačima u skladu s Uputstvom MFT-a broj 08-16-1-8801-1/15 od 26. oktobra 2015. godine, te će biti realiziran u 2024. godini.**

U skladu s navedenim izmjenama kapitalni izdaci su realizirani kako slijedi:

1. **Nabavka opreme** iznosi **280.893 KM** i ostvarena je **90%** u odnosu na korigirana budžetska sredstva. U okviru ove kategorije nabavljena je sljedeća oprema:
  - **Namještaj** u ukupnom iznosu od **66.076 KM**. Nabavljen je namještaj po mjeri, 2 seta trpezarijskih stolova i stolica, dodatne 4 stolice za prostorije aneksa Ustavnog suda te 30 uredskih stolica. **Nabavka staze za hodnik - 20.407 KM i dodatnog namještaja za urede - 6.470 KM (2 pokretna ladičara, 4 klub stolića, 5 niskih elemenata s policama i 4 vješalice)** knjižena je na osnovu zaključenih ugovora s dobavljačima u skladu s Uputstvom broj 08-16-1-8801-1/15 od 26. oktobra 2015. godine, te će biti realizirana u 2024. godini.
  - **Kompjuterska oprema** u ukupnom iznosu od **50.227 KM** odnosi se na nabavku 7 *data switcheva*, 1 radne stanice, kao i 1 printera u boji. **Nabavka 2 radne stanice - 14.976 KM i 12 kompjutera - 23.049 KM** knjižena je na osnovu zaključenih ugovora s dobavljačima u skladu s Uputstvom broj 08-16-1-8801-1/15 od 26. oktobra 2015. godine, te će biti realizirana u 2024. godini.
  - **Oprema za prenos podataka i glasa** u ukupnom iznosu od **11.840 KM** odnosi se na nabavku 1 projektora, 1 TV uređaja i 1 videokonferencijskog sistema za održavanje kombiniranih sastanaka/sjednica.
  - **Motorna vozila** u iznosu od **126.352 KM** odnose se na nabavku jednog službenog vozila za potrebe predsjednika Suda.
  - **Fotografska oprema** u iznosu od **5.995 KM** odnosi se na nabavku 1 fotoaparata za potrebe snimanja sjednica Suda, sastanaka i drugih događaja.
  - **Ugrađena oprema** u iznosu od **12.000 KM** odnosi se na nabavku 8 klima-uređaja za prostorije Suda.
  - **Ostala oprema** u ukupnom iznosu od **8.404 KM**. Nabavljen je 1 rezač papira, te 1 pametna interaktivna ploča za potrebe održavanja sastanaka/sjednica, prezentacija i edukacija u manjim grupama.
2. **Nabavka stalnih sredstava u obliku prava** iznosi **20.665 KM**, odnosno **83%** korigiranih budžetskih sredstava i odnosi se na nabavku softvera za prevođenje.
3. **Rekonstrukcija i investiciono održavanje** iznosi **90.020 KM**, odnosno **96%** korigiranih budžetskih sredstava. Odnosi se na nabavku radova rekonstrukcije mokrih čvorova u prostorijama koje koristi Ustavni sud, **a knjižena je na osnovu zaključenog ugovora s**

**dobavljačem u skladu s Uputstvom broj 08-16-1-8801-1/15 od 26. oktobra 2015. godine i biće realizirana u 2024. godini.**

\*\*\*\*\*

U 2016. godini Ustavni sud je donio Pravilnik o korištenju mobilnih i službenih fiksnih telefona u Ustavnom sudu BiH broj P-739/16 od 22. decembra 2016. godine s izmjenom i dopunom P-739/16-I od 13. aprila 2022. godine, Pravilnik o reprezentaciji i poklonima u Ustavnom sudu BiH broj P-741/16 od 22. decembra 2016. godine s izmjenama broj P-741/18-1 od 21. augusta 2018. godine i Pravilnik o službenim vozilima Ustavnog suda BiH broj P-262/16 od 6. juna 2016. godine s izmjenom broj P-262/16-I od 19. februara 2020. godine i broj P-262/16-II od 13. aprila 2022. godine.

Stupanjem na snagu pravilnikâ Vijeća ministara – Pravilnik o izmjenama i dopuni Pravilnika o uvjetima nabavke i načinu korištenja službenih vozila u institucijama Bosne i Hercegovine broj 177/17, Pravilnika o izmjeni i dopuni Pravilnika o korištenju telefona broj 176/17 od 6. jula 2017. godine i Pravilnika o izmjenama i dopuni Pravilnika o korištenju sredstava za reprezentaciju broj 178/17 od 6. jula 2017. godine, **Ustavni sud BiH je izuzet iz primjene navedenih pravilnika Vijeća ministara BiH i u primjeni su pravilnici Ustavnog suda BiH doneseni u 2016. godini s navedenim izmjenama.**

## **Rashod stalnih sredstava**

Nakon obavljenog redovnog godišnjeg popisa imovine, potraživanja i obaveza u Ustavnom sudu za godinu koja završava na dan 31. decembar 2023. godine, na prijedlog Centralne popisne komisije da se rashoduju neupotrebljiva i tehnički neispravna sredstva, a u skladu sa članom 46. Pravilnika o računovodstvu s računovodstvenim politikama i procedurama za korisnike budžeta institucija BiH, predložena stalna sredstva za rashod su evidentirana na kontu sredstava van upotrebe (011730) od 1. januara 2024. godine.

Rashod predloženog sitnog inventara i autoguma izvršen na kraju 2023. godine imao je vrijednost 0,00 KM.

Odluka o rashodu stalnih sredstava i sitnog inventara za 2023. godinu donesena je 21. februara 2024. godine i na osnovu nje će se organizirati fizičko iznošenje stalnih sredstava i

sitnog inventara van prostorija Ustavnog suda i zatim će stalna sredstva biti isknjižena iz poslovnih knjiga u 2024. godini.

Napominjemo da su nakon usvajanja Odluke o rashodu stalnih sredstava i sitnog inventara broj SU-07-1206-11/22 od 21. februara 2023. godine rashodovana stalna sredstva i sitan inventar za 2022. godinu fizički izneseni iz prostorija Ustavnog suda i zatim isknjiženi iz poslovnih knjiga u aprilu 2023. godine.

## **Analiza dinamike zapošljavanja**

Zakonom o budžetu institucija BiH i međunarodnih obaveza BiH za 2023. godinu odobreni broj izvršilaca za Ustavni sud je bio 98. **Prosječan broj zaposlenih u periodu od 1. januara do 31. decembra 2023. godine iznosi 95 izvršilaca.**

Odlukom predsjednika Ustavnog suda broj SU-06-11-5/21 od 30. decembra 2021. godine zaposlenoj na poziciji stručni saradnik u Uredu registrara odobreno je neplaćeno odsustvo u trajanju od 12. januara 2022. do 12. januara 2023. godine. Rješenjem o prestanku radnog odnosa broj SU-06-1235-2/22 od 10. januara 2023. godine zaposlenoj je prestao radni odnos otkazom zaposlene zaključno sa 12. januarom 2023. godine. Radno mjesto je popunjeno raspisivanjem javnog oglasa, a stručni saradnik u Uredu registrara raspoređen je na radno mjesto počev od 1. aprila 2023. godine.

Odlukom predsjednika Ustavnog suda broj SU-06-363/22 od 26. aprila 2022. godine zaposlenoj na poziciji stručni saradnik za pravne, personalne i opće poslove odobreno je neplaćeno odsustvo u trajanju od 1 (jedne) godine, počev od 1. juna 2022. godine. Rješenjem o prestanku radnog odnosa broj SU-06-352-1/23 od 10. aprila 2023. godine zaposlenoj je prestao radni odnos otkazom zaposlene zaključno sa 10. aprilom 2023. godine, radno mjesto je popunjeno raspisivanjem javnog oglasa, a stručni saradnik je raspoređen na radno mjesto počev od 10. jula 2023. godine.

Rješenjem o prestanku radnog odnosa broj SU-06-240/23 od 8. februara 2023. godine zaposlenom na poziciji vozač sudija prestao je radni odnos zbog odlaska u penziju zaključno sa 10. februarom 2023. godine. Radno mjesto je popunjeno raspisivanjem javnog oglasa, a vozač sudija je raspoređen na radno mjesto počev od 10. marta 2023. godine.

Rješenjem o prestanku radnog odnosa broj SU-06-237/23 od 8. februara 2023. godine zaposlenoj na poziciji lektor prestao je radni odnos zbog odlaska u penziju zaključno sa 14.

februarom 2023. godine. Radno mjesto je popunjeno raspisivanjem javnog oglasa, a lektor je raspoređen na radno mjesto počev od 10. jula 2023. godine.

Rješenjem o sporazumnom prestanku radnog odnosa broj SU-06-377-1/23 od 26. aprila 2023. godine zaposlenoj na radnom mjestu stručni saradnik u Uredu registrara prestao je radni odnos zaključno sa 7. majem 2023. godine. Radno mjesto je popunjeno raspisivanjem javnog oglasa, a stručni saradnik u Uredu registrara raspoređen je na radno mjesto počev od 27. jula 2023. godine.

Napominjemo da odlaskom predsjednika Suda u starosnu penziju u augustu 2022. godine, kao i odlaskom potpredsjednika u starosnu penziju u novembru 2022. godine, upražnjena dva radna mjesta sudije još uvijek nisu popunjena.

Stanje zaposlenosti na dan **31. decembar 2023. godine** iznosi **96 izvršilaca**.

## **Obrazloženje pozicija Bilansa stanja**

U Bilansu stanja na dan 31. decembar 2023. godine iskazani su sljedeći podaci po bilansnim pozicijama, i to:

**I        AKTIVA** **464.459 KM**

**A. Gotovina, kratkoročna potraživanja, razgraničenja i zalihe** **77.361 KM**

Kratkoročna potraživanja za:

- Refundacija bolovanja FBiH – mart 2021. razlika	486 KM
- Refundacija bolovanja FBiH – april 2021. razlika	120 KM
- Refundacija bolovanja FBiH – oktobar 2021. razlika	312 KM
- Refundacija bolovanja FBiH – decembar 2021. razlika	277 KM
- Refundacija bolovanja FBiH – januar 2022. razlika	632 KM
- Refundacija bolovanja FBiH – april 2022. razlika	171 KM
- Refundacija bolovanja FBiH – maj 2022. razlika	335 KM
- Refundacija bolovanja FBiH – juni 2022. razlika	333 KM
- Refundacija bolovanja FBiH – novembar 2022. razlika	492 KM
- Refundacija bolovanja FBiH – decembar 2022. razlika	1.363 KM
- Refundacija bolovanja FBiH – januar 2023. razlika	1.374 KM

- Refundacija bolovanja FBiH – februar 2023. razlika	1.397 KM
- Refundacija bolovanja FBiH – mart 2023. razlika	1.425 KM
- Refundacija bolovanja FBiH – april 2023. razlika	2.416 KM
- Refundacija bolovanja FBiH – maj 2023. razlika	1.318 KM
- Refundacija bolovanja FBiH – juni 2023. razlika	863 KM
- Refundacija bolovanja FBiH – juli 2023.	1.873 KM
- Refundacija bolovanja FBiH – august 2023.	1.873 KM
- Refundacija bolovanja FBiH – septembar 2023.	1.873 KM
- Refundacija bolovanja FBiH – oktobar 2023. razlika	2.905 KM
- Refundacija bolovanja FBiH – novembar 2023.	2.172 KM
- Refundacija bolovanja FBiH – decembar 2023.	1.881 KM
- Refundacija bolovanja FBiH 2014. razlika dopr. maj–decembar, osim septembra (sumnjiva i sporna potr.)	4.004 KM
- Refundacija bolovanja FBiH 2015. razlika, januar–decembar, osim septembra (sumnjiva i sporna potr.)	14.158 KM
- Refundacija bolovanja FBiH 2016. razlika, decembar (sumnjiva i sporna potr.)	1.193 KM
- Refundacija bolovanja FBiH 2017. razlika, januar, mart–april, septembar–decembar (sumnjiva i sporna potr.)	14.766 KM
- Refundacija bolovanja FBiH 2018. razlika, januar (sumnjiva i sporna potr.)	1.531 KM
- Refundacija bolovanja FBiH 2019. razlika februar–oktobar (sumnjiva i sporna potr.)	13.076 KM
- Refundacija bolovanja FBiH 2020. razlika novembar–decembar (sumnjiva i sporna potr.)	2.594 KM
- Prekoračenje troškova mobilnih telefona – novembar 2023.	2 KM
- Prekoračenje troškova fiksnih telefona – novembar 2023.	6 KM
- Odbici za telefonske aparate – novembar 2023.	52 KM
- Prekoračenje troškova mobilnih telefona – decembar 2023.	34 KM
- Odbici za telefonske aparate – decembar 2023.	52 KM
<b>Ukupna potraživanja</b>	<b>77.361 KM</b>

<b><u>B. Stalna sredstva</u></b>	<b><u>387.098 KM</u></b>
Nabavna vrijednost stalnih sredstava:	
- Zgrade	326.053 KM
- Oprema	1.851.493 KM
- Softveri i licence	151.590 KM
<b>Ukupna nabavna vrijednost stalnih sredstava</b>	<b>2.329.137 KM</b>
Ispravka vrijednosti stalnih sredstava:	
- Zgrade	255.150 KM
- Oprema	1.555.963 KM
- Softveri i licence	130.925 KM
<b>Ukupna ispravka vrijednosti stalnih sredstava</b>	<b>1.942.038 KM</b>
<b><u>II PASIVA</u></b>	<b><u>1.330.424 KM</u></b>
<b><u>A. Kratkoročne obaveze i razgraničenja</u></b>	<b><u>943.326 KM</u></b>
Kratkoročne tekuće obaveze za:	
- obaveze prema dobavljačima	83.357 KM
- obaveze po obustavljenim porezima i doprinosima	1.518 KM
- obaveze prema fizičkim licima	24.924 KM
- ostale kratkoročne obaveze	3.227 KM
<b>Ukupne kratkoročne tekuće obaveze</b>	<b>113.026 KM</b>
Obaveze prema zaposlenim za:	
- obaveze za plaće	302.397 KM
- obaveze za naknade plaća	68.919 KM
- obaveze za poreze i doprinose	278.279 KM
- ostale obaveze prema zaposlenim	25.783 KM
<b>Ukupne obaveze prema zaposlenim</b>	<b>675.378 KM</b>
Kratkoročna razgraničenja za:	
- razgraničeni rashodi za nabavku roba i usluga	154.922 KM
<b>Ukupna kratkoročna razgraničenja</b>	<b>154.922 KM</b>

**C. Izvori sredstava**

**387.098 KM**

Izvori stalnih sredstava

387.098 KM

Službenik za finansije

Rukovodilac